

卷
871
326

孫為靜齋

國學萃編

第二十一期
順德溫肅署

吳六

第二十期

國學萃編

蘇寶盍署



捐助社費 芳名 以收到先後為序凡允助而未交款者概不刊登

盛季瑩先生助洋三十元

著淞吟社第四十八課

詩題 孝欽顯皇后奉安恭紀 石拘體韻

詩鐘題 孟冬 覺脛格 嵌第六字

限十月底交卷外埠展限半月卷寄北京宣武門內石駙馬大街施醫西

精刻晨風閣叢書第一集出書啓 此書乃香禺沈君太侔新刻其中非舊書

家著作均難得之秘笈如藝雲精舍宋元書目雖吳縣潘氏已刊入叢

本刻之昭陵碑錄校錄精審一碑率及拓本十餘至金石文著錄均

其精核不為著錄昭陵碑之專書所不及本朝一切有佳著錄於

不能與之抗衡諸家詩詞亦有據善本校補遠以前未刻之本茲校刻甫竣

用上等連泗紙精印計二十種分裝十六冊每部收回工本足銀伍兩

正外家異文考舊鈔明鈔本說文出園城日記舊稿本日西域水道記

本四仁廟聖政記明鈔本說文出園城日記舊稿本日西域水道記



校補潛研堂鈔本
 氏舊鈔本
 錄補遺本校勘後記
 附本校勘後記
 新校本校勘後記
 本社加課擬刊或可與崇效寺之青松紅杏園
 徵詩陶然亭圖小啓
 京師陶然亭為江都郎藻所建
 茲僧樓乃蓋亭址楓樹十丈
 氣撲入簾櫳洗身浴之
 也况乎近經紅燹以來
 又春紅返遠不有故城
 記長安酒價不有故城
 齋之前圖泛艇小車和
 詞聯記及陶然亭序不
 閱萃編者鑒本甚復因
 卷未以成完善之
 本尙希周者諒之

番禹潘飛聲蘭史撰啓

本社敬白

今將鈎稽斗籍常留大夏之春窺覓霞門永住禪黎之劫而陞移齒大事無
 益於蒼生鴻烈書多文空傳於紫笈無關輕重祇益荒唐夫惟綢直表躬恢
 台著德以繕性之功得養生之道本育物之效獲長世之方而後為循良之
 美報稱仁壽之麻徵焉恭維雲亭父臺姬宗華胄讓伯名家世德揚徽先靈
 振采乃祖則司鐸湘江名父乃參軍蜀棧惟公秉承家學矩矱前型才備九
 能識通五際當夫齟齬之年即已騎牛讀書聞雞起舞思乘舟過日月之旁
 將策馬走關河之外會值金川逆賊之變蛙梁跳躍螳背支撐背黃龍清酒
 之盟梗爨翫蠶叢之路鼈令未殲虎臣共奮公乃黃皮縛袴請從陶侃之軍
 絳幘纏頭願作劉環之吏百鍊為鋼一身是膽及夫妖鳥巢傾雄虺檻伏鏡
 歌一唱聲傳露布之風甲影千重光洗銀河之水 皇帝開明堂而錫命
 詔太史而酬庸棘寺槐廳既晉元臣於上爵黃銅紫綬亦分散秩於羣工遂
 膺鳳詔之頒得奏牛刀之響於是一鶴隨行雙鳧直下故鄉且去遠辭三峽

泉聲新政可觀來看六朝山色風吹翼展水漲鱗舒手欲栽花櫻繡錦大府重其奇才欽乃偉抱凡山伐之謀水滋之案九章之律五服之文鴻陂盤壘之災義粟仁漿之賑以及翠華引日輦路清塵供帳交闕侯進壞奠靡不資其方略藉定機宜公亦髦壘竭思躬劬效力用能出手得盧登樓見月於某年補六合少尹爰乃編排簿領料簡科條拔薤伸威鞭絲見智賣刀買犢當春雨而催耕送雁留鴻過秋陂而饋食計十餘年來里無罷役戶少流亡盜息萑苻奸消楊格桃花之門巷常開竹馬之兒童共愛公之仁也民之福也顧或者謂公以謝嘏之時才兼安豐之老識使其八翼冲天一心捧日上可以贊堯醲舜薰之化下可以盡文鏡武鼓之才此之不能而或五馬班春三刀協夢亦可以灑隨車之雨扇偃草之風而乃屈柳下於卑官置倪寬於從吏長沙地小舞袖不克回旋棘樹枝低鸞尾未堪冲舉得毋顧薄宦而歎獻韜長材而廢棄也乎不知少府之官漢爲長吏承尉之選秦有專司

又況得璣者無小附羽者卽飛公以當官官辦作夏雨兩人百里豈曰非才一命亦思有濟用是政無害馬事少亡羊河流雖始於濫觴而潤及千里岱雲卽起於膚寸而覆徧羣生星真是福吏乃如仙矣至其煙霞供養筆擬荆關蝨蚓紛拏書追李蔡賤方書以活嬰兒橫矛槩以練壯士是又仁者之閒情雅人之深致也某等夙叨保障久荷旃幪茲當岳降之辰宜效華封之祝所願甘棠樹大常開四照之花燕寢風清時飲九乾之露人留朱邑於桐鄉戶祝庚桑於礪壘將編循吏之篇進之史館先製壽人之曲奏向琴堂公其因此而進一觴乎

梁母譚太孺人九十壽序

何朝昌

嘗聞坤儀奠位發揚表聖善之詞婺彩騰輝儀則彰懿徽之準而况修德者獲報美意者延年夫誰不吹華黍之笙宴開蘭室上闕宮之頌慶洽瓊筵也哉有如梁母譚太君者儒士柱經公之妻寅友氣舟先生之母也譜通玉霄

望重金閨管已借形苕還刻玉右箴左說不愆於儀五囑三心悉昭其度莊
姝立則塞淵表心格寫花簪滿銀毫於日午才同椒頌賦綺語於春明則其
秀慧爲不可及也迨夫鳴雞宵警戈雁晨趨五夜燈寒書聲並熨三年難下
焯掌方勤寫韻垂簾之暇同是書生清談翦燭之間共商文字自謂養成健
羽定許終飛捷步強臺何難直上無何才人善病秋士多愁比叔寶之常羸
並文園之善渴藥囊料理方書檢看惟冀僵柳之可扶亦復傾葵之得衛此
其伉儷爲不可及也乃十年功苦鐵硯空磨一夕夢沈玉樓先召既傷別緒
又慘離鸞顛直呼天頭還搶地影幢幢而自照身子子其何依斯時也誓同
死以無辭庶九原其可作而白頭親老鳩杖誰扶黃口兒單烏雞莫哺遂乃
暫延殘喘強保餘生馨蘭膳以奉高堂媳將代子晝荻灰而教後嗣母可爲
師女貞一樹不受風搖古柏千尋直擎雲表此其貞節爲不可及也至若持
家中禮記宜室稱賢屋將補以冬蘿澗亦薦乎春藻家計之細雜以米鹽宵永

之餘績之刀尺井臼有助春之苦服御無絮纈之溫一盃寒燈頻催織杼半
窗明月尙聽機聲親戚喜其雍和僕媪分其深愛此其持家爲不可及也若
夫日深機織時勗極書延師則與盡簪環課讀則每勤晨夕折墜爲教防之
於先絮羹必嚴慎乎其豫懈怠必加夏楚攻苦一任冬烘以故氣舟先生餼
食上庠名稱當世蘇長公之學問克奉母儀虞學士之經綸多承慈訓因得
陶鎔士類規矩儒林春風一座化兩半庭人知賢子之文章足以傳之不朽
者皆賢母之遺訓足以裕後人也而苦節可貞奇光必顯思垂緯楔顧請旌
門庶酬罔極之恩用慰無涯之戚太君方謂際遇維艱人生不幸乃博九
重之誥獲邀一字之榮人亡音斷反增同穴之悲時過境遷猶下孤棲之淚
氣舟先生思有以慰親心恨無以盡子職焚香默禱惟求大臺之克登至誠
潛通竟獲長壽而無量九齡用錫喜叶人謀四代續承欣瞻天降今歲多仲
爲太君九秩開一壽辰萊衣耀乎宮錦首飾被乎副珈蟾影猶圓梅香愈馥

銘松頌柏屏錦斯張吹竹彈絲衣冠畢集朝昌以寅寮夙契母範素知濡寶
墨以引隍傾霞漿而騰爵祓除讎語用表貞姿從此仙嶠雲蓬杖能扶老瀛
洲金菜藥可長生北堂草芳共沐銜鱸之遺澤南陔花暖同看翥鳳於慈雲
也已

陶詩別鈔序

陳士芭

蓋聞有冲澹之舉者不歛歛於時有孤隋之操者不措措於物古之遺韻垢
盪塵累鴻冥於寥廓蟬蛻於滓穢是非雙道酣嬉薰爍之場喧寂齊觀跌宕
官骸之外寒披緇而自煥飢舖蕨而亦飴其故何哉道之所安神則曠焉境
之所寓情即適焉影組榮矣不能斂卞和之節笙匏樂矣不能移陶回之聽
蒙叟卻威王之幣莊光距劉叔之車出處之間可攷而知也若夫聲華烜世
富貴驕人侈邃宇之藻緝窮癖者之淫脆非不娛中榮日夸庸賦俗專佚麗
於闌闕映豪華於頤指暴乎末涂偃蹇落執蒼黃悲愴上蔡之鷹淚斷華亭

己酉小春

心
情
小
品

林亨蘭



怡情小品卷之一

嘉善

龔廷鈞肇權

選

錢永基燭臣

江都童 閔補蘿 校刊

秋雪賦

吳兆騫 漢槎

吳生既竄旅于龍山之下戚兮無棕悄兮多暇抱孤迹于寒郊眷羈心于秋
野於是青要已屆素商未闌熊坏西蟄雁厲南翰位水漾而夜結玉露皓而
朝溥爾乃眇懽緒愴憂端倚拂廬以淒目對服匿而流歎憶江皋之餘煖怨
邊候之早寒俄而九關欲黯千里無色魚雲斷山雁沙鳴磧天濺澗以將低
日曛暖而如沒替埃靄于遙空積風威于廣隰霰警屑而稍飛雪翻颺而遙
集匪窮陰之窈鬱起嚴氣之氤氳乍連山以轉霧忽縈空以憑雲始嫵娟以
構霽遂雜沓而橫氛灑玉門兮並色覆金河兮莫分于是遙峰尖紫衰林掩
黛日冷金支夜寒羅帶殺蟲響于陰岵凍波文於玄瀨薄涼駕兮增寒入迅

商兮振籟淒兮瑟瑟爽兮霏霏入帳凝華悞鶴關之曙啟停林結葢疑鸞朝
之春歸綿煙壑以含縹合雲海而通暉迷征馬之野牧慘寒鷗之夕飛悲青
桂之爽節歌黃竹之哀辭既乃燭龍將暝城烏漸息山返樵歌林歸獵客
依夕而彌嚴霧橫天而轉急壓土鏗兮沈煙灑甍墻兮緣隙飛六出而未成
翻三襲而爭積助紅樹之秋聲韜絳河之夜色望已斷兮還連謂將開兮忽
及未睨柱而玉殘似卷綃而珠泣冒蓮衣兮墜紅點蘆花兮偕白積何遠而
非銀臺何高而無壁蕭條兮墜戶爛熳兮凝階金箔寒而葉脆鐵衣照而鱗
開逐邊風兮響蕭瑟鑿漢月兮光徘徊葉亂聲而競下雁孤影而遙來眇平
原之曠莽惟積雪之崔嵬若乃氛昏半收夜景遙廓風歛天霄雲澄海墀月
抱暈以東垂河含星而西落荒雞喔以伺晨霜禽噉兮警漠凜淒蕭之凝嚴
鏡澄暉之昭灼山千疊兮少人民野萬里兮無城郭氣悚慄兮侵衣色晃朗
兮盈幕樽琉璃而不懼攬褐衾而怨薄笛吐哀以獨吹淚承睫以雙落卿夢

遠兮空歸邊心憤兮交作候已昧於秋冬心何分於苦樂撫秋朔之如斯知
天地之未博彼夫南國王孫之墅西京戚里之家梧承檐以稍下菊羅砌而
初華幕曾軒以楚組代織綵以吳紗愛秋飈之送爽憐秋夜之方賒綺羅紛
兮樂未已簫鼓喧兮月將斜豈知江接烏龍城遙玄菟飛雪嵯峨曾冰迴迤
遷客之辛勤塞垣之寒苦哉悲來如何摧心自多援筇攬調爲秋雪之歌歌
日邊風起兮朔雪飛雁違寒兮度欲稀關山遠兮誰與歸心懷鄉兮空自知
龍沙雪色秋如此腸斷高樓舊寄衣

語語帶淒涼景况真是居人對之憂不解行客見之思已深
淒涼之色溢於楮墨讀者尙覺蕭條滿目慘然于懷何況出塞遷客富長
途未半觀此茫茫漫漫有不埋輪據鞍銜悽如嘆者乎

陽春賦

柯崇樸 寓苑

夫四時之代至兮有寒暑之相循敷景色于八極兮固莫盛于陽春綴嬌花

于芳樹兮耀白日于乾坤草萋然而皆碧兮禽張翼于層雲淑氣之飄拂兮
蒼鶻之發聞充人寰以異馥兮流啁啾之歌音山峨峨而積翠兮波澹澹而
成紋既照之以鮮暉兮境所值其咸新天弄綺而地呈繡兮風款款而花紛
紛梅始疑于殘雪兮柳初窺于微黛漸氣動于陽和兮俄韶華之俱在暹桃
李之佳容兮展叢蘭之幽態紅衿憶其畫棟兮粉翅來于天外麗朱閣之曉
光兮飛玉樓之晨彩兩濛濛而欲起兮見鶯花之如海當織雲之西轉兮覺
緩風之東吹詠遲遲之春日兮盼燭龍之珠輝花氣散而撲人兮柳枝長而
恒垂舞風簾之雙乙兮喚月榭之金衣綠晴江之水色兮春澹蕩而煙霏微
陽春兮可歌爲語兮如何紅輪兮在望芳草兮自多非有涼颺之肅殺兮振
柯葉以蕭疎砌無號蟲之切切兮并無夜響之凋梧月不寒而蟾自煖兮冰
盡解而鱗遊波垂佳人之紅袖兮去輕鬟于翠蛾愛靈修而結想兮艷春光
於綺疏鸞鳳接其翼兮日翱翔於雲衢正若之連芬兮不掩匿於山之阿歌

陽春兮春不少挹飛光兮緜瑤草試流目於階墀無愁心之繚繞我不能寫
巨麗於上林但寄情於雲表

光明熠爚文彩璘璘俯仰之間但覺太虛遠廓而無闕 錢焜臣

煒煒煌煌遠而望之若摘朱霞而耀天文 龔肇權

拜新月賦

徐乾學 德卷

維廣寒之清虛皎夜光於玉宇既按轡於纖阿指闔扶以爲樹遂穿沼以影
娥眺蟾臺而容與嗟姮娥之孤棲問青天而延佇有美一人中宵瞻撫徐步
曲房脈脈不語睇西山之瓊鈎映綺疏而獨處似半面之粧成覺蛾眉之彌
嫵於焉流覽四顧無聲仰觀微嘆參星未橫擎博山之寶鼎渺香篆之煙凝
獨俯躬以長跼願稽首而乞靈楊柳兮細腰折芙蓉兮嬌面瑩侍兒傳語兮
青燈滅阿母相依兮寢不甯時聞唧唧人在空庭如怨如慕若昧若明伊女
子之善懷叩帝闈而上疏值桂魄之初弦欲寤言而弗告孰爲城北之徐公

孰是墻東之宋玉愧仙女兮擣玄霜顧阿嬌兮貯金屋桐峯無羨乎皇娥寶鏡安投乎秦淑謝八盤髻上之蛇誓雙挽車前之鹿不解相思長縈心曲傷如之何從茲暗卜吾聞水德之正位實比象於坤元驂駕帝天之側命素娥而乘白鸞然而盈虧有數圓缺無端或飛破鏡或出銀盤嘆弓影之並曲羨紈扇之俱團徒見初更出海上不知向曉沒雲間人事往復取況嬋娟玉階蒲伏密語誰傳辭曰新月纖纖兮照空碧素影徘徊兮人一色霓裳羽衣兮空中聞紅顏何時兮生羽翼

樂府捉搦歌云小時憐母大憐婿何不早嫁論家計拜月情事想當爾爾

龔肇權

吹皺一池春水賦

吳曹直 以巽

太皞執規勾芒御辰青陽應律序屬三春閨中日麗隴上草薰紫陌依依已見柔條抽綠白溝洫洸行看萍葉舒青或輕寒而輕暖復乍雨而乍晴於時

子說合箏篴未驗黃鐘協律否後人未到古人往我於其間擁敝帚百家載道騁車軫半世縛詩受械扭稍參西江變流派敢託少陵窺戶牖惟古真放蓄精微而今踣躓困趨走繚繭出盆不成衣蒸飯入飯僅茹糗偶形澀縮蟲食藜無力潑刺魚貫柳何由菖歎得子嗜意乃糞鼠將余剖漢冠唐裳逮今茲長劍大戟固多有馳驟駿馬傲跛羊涓滴濟清納河垢余初亦坐鹿迷隄新語謬思雀破殼森嚴虎豹護元關攫擊蛟螭斷生鈕苦無甘味回杖蔗豈有利兵斫絲藕偶獲懸窠綴靈珠祇似寒义挂星罨晡兒脫襪慎晝顛防盜祛篋申夜守雖然善用泝泝洗百金莫賣不龜手文章老矣交有道功德何者並不朽子誠湯瓶識車聲蒲團長奉窮黃九

顧橫波墨蘭後有龔芝麓跋語

分明九畹寫靈均解珮如要洛水濱異代尙書雙合璧趙文敏有管夫人老大風流擅畫眉墨花悟入折釵枝梅村不遂東山隱枉及文青未嫁時

贈沈桐士 紹九

沈郎家計四立壁兀擁圖書傲不貧
醉眼垂青竹林友緇衣染素洛陽塵
誰能倒海撈明月惟合渡江采白蘋
我故蓬蒿甘沒首問君何事笑相親
舟次逢亭甫赴板橋水閣

並船握手魚出噉笑語未終風解纜
苦竹黃蘆瑟瑟秋江動雲移去帆暗
女郎水棚開酒罇待君往唱山鷓鴣
我自朗吟袁虎曲牛渚月明來運租
夜過松風堂

婆娑老樹話南遷但見秋清水極天
遠火漁多僧獨坐大江風定月中懸
蒼龍蛻委禪棲後朱鳥魂銷落葉前
借與蒲團祛世慮不知換却是何年

訪綠玉齋

徐山人舊業久廢爲尼菴今歸余友李霽塘方溪兄弟

一經蒼煙入窈然山氣涼龍吟罷風雨魚梵送斜陽
憶曩歸燕趙故人過范

張聯牀足歌嘯冠蓋謝飛揚

補種琅玕竹依然憂玉聞主盟孰曹謝繼唱再機雲
詩味餘禪悅塵聲遠市氛金鰲峯咫尺登眺約偕君

揚州

邗上帆檣日往還蘭成蕭瑟獨江關不爭天下三分月
惟愛江南一小山半壁人才多放達六州都督幾休閑
揚舫昨自金焦過已擲雄心付白鷗

過王阮亭先生故居

殘日照疏雨暝煙開夕扉鵲華秋色遠燕市故巢非
老樹手誰植繁花今尙霏帶經堂宛在細草點春衣
今日應劉盡恒河兩鬢秋平生無髣髴何處見風流
落月華陽樹看山濟上樓青齊憑弔後京邸又追遊

王少鶴農部 錫振與張海門 金鑄孫琴西 衣言編修結鄰以唱酬詩見眎次

韻

輦轂盛貴遊黃塵沒蹀跡蝸牛各占廬
草杜去天尺朝驅蟻慕羶暮競蛆浮
白趙姬助妖冶秦優工掩抑吾徒人
海藏閭寂計亦得過市馬無羣頗為燕
臺惜星聚忽城南勢異參商析王郎
歸自粵智囊未破賊卜居避喧囂籌國
形憂戚漫刺寡出投哀歌自取適大道
殷雷闐車馬空千百買鄰來舊歡求
友及新特久欣張與孫懷抱抗古昔
昨徙五車書共究三墳畫元直造德公
不知孰主客力迴江海濶未有陸沈色
雄篇仰披示乾文動奎壁從獵知成禽
短筮強加策八紘張網罟逐逐名利役
公等要從容薄俗粹難革

謝章鉞

字枚如福建長樂人光緒丁丑進士官內閣中書著有賭棋山莊詩集

書金臺殘淚記後

一傳中含百苦辛才華如此竟煙塵少年痛哭尋常事我亦悲歌感慨人

南浦秋波錄題後 六首

是錄張亨甫所著蓋述臺江治遊之事

雙江宛轉送風波拍板當樓慷慨歌那曉竹枝怨兒女埋愁猶是舊山河
珠簾繡戶晝陰陰忽聽魚龍叫嘯音一樣琵琶有今昔江湖何處託春心
酒杯灑淚弔沈埋夢得哀吟惜異才竟忍騎鯨攜手去故鄉花發不歸來
謂芭川予所藏秋波錄芭川書其後曰亨甫又有金臺殘淚記一帙皆謂余曰配金臺匪記金臺也後世必有淚余之淚者秋波錄則錄南浦耳今觀此錄而淚已矣然嗟乎亨甫於是歿三年矣此一則淚將與誰共灑之耶芭川書此時蓋道光乙巳越七年芭川亦歿
鷓鴣曾挂酒壚旁眼見華胥劫火忙飛溷飛茵總無著十年苦海幾興亡
是錄

隱名華胥大夫著

燕子高飛變鳳凰檀槽換調唱伊涼多情猶有襄城曲只惜無人寄雪娘
見亨甫襄城曲此處以亨甫故名大樂初事亨甫甚謹後忽與某公密從之去

歷歷關河總淚痕肯因酒肉怨朱門何人乞食歌姬院解向傷春覓罪言
贈魏子安

一德才名魏子安奇書百輩快傳觀如何長向風塵下不遺文章付寫官

題子安所著書後 三首

夥哉石經考煌煌美而備排比舉千年刮摩極一字亭林雖大儒奪席不敢

異 石經考

詩史一筆兼孤憤固無兩扁舟養羈魂亂離憶曩匪惟大事記變風此其

響 臨南山館詩話

有淚無地灑都付管城子醕酒與婦人未路乃如此獨抱一片心不生亦不

死 花月痕小說

五顯嶺

唐詩人李頻治閩有聲後人爲之立廟 國朝既平江浙阮大鍼導大兵入閩死於此

防亂留都隱百憂斯人遺臭肯千秋若論文采猶名輩何事管纓愧勝流得

九日望湖亭登高云湖光盡處接山光兩岸風帆立萬檣深樹一林翻落葉
小樓三面嵌斜陽遠山不礙登高眼叢菊猶留晚節香淒絕當年遺跡在秋
風闌卻小周郎又警句兩沈初出日風急欲搖山峯高遲吐日江關欲浮天
山深人跡少路險馬蹏遲疎林鴉聚團團黑蕭寺燈搖點點青無計療飢難
煮字向人絕口恥言錢上林花樹春如海不及幽蘭是國香楊柳一隄山一
角中間小築釣人居皆有宋元人意境又刪詩云可憐據盡心頭血那見傳
來身後名一點名心言之嗚咽自漢魏唐宋以來有可存之詩爲風盪雲掣
化於無迹者不知凡幾矣不若屣覬視之聽其若存若亡之爲得也

仁和吳惠齋 敬襄贈某校書有行近玉臺搔鬢影帶人模樣不禁憐無端唱
到春愁曲便不攢眉已可憐之句其風趣可想近見其匏廬詩卷多沉鬱俊
邁之作紀其酒醒感賦云搔首風塵一涕零未逢漂母眼誰青酒因興起杯
嫌窄詩到魔來筆有靈慨世早儲三副淚問人誰鑄百年形勞勞車馬知何

事安得閒臆日醉醒

趙粹甫京卿佑宸性談諧曾以古語拉雜成詩極見自然大兒孔文章小兒楊德祖餘子紛紛不足數大兒小兒誰與儔生子當如孫仲謀文臣不愛錢武臣不惜死天下從此太平矣文臣武臣今何如仕宦當作執金吾先生由編修出守江南 醕邸以講求共濟錄庸吏庸言二書贈之並錢以詩賦謝云賜書已足壯征鞍况復詩登李杜壇梁苑才多慙末座蓬山路隔帳層巒訓詞懇摯猶知感材質迂疏敢畏難共濟庸言期恪守家風琴鶴本清寒謙厚和平立言得體又和 醕邸水雷詩云火器傳來嶺嶠東沈舟破斧具深衷命名合取經綸象奏效終推霹靂功迅勢奔騰同地奮靈機觸發奪天工欣看海上鯨氛靖一朵祥雲捧日紅亦佳稿中古體極恢肆而能合法則如阿育王寺普松歌焦山古鼎歌日月湖棹歌等篇皆宏麗不似寒儉家數歿後詩未梓行稿本散佚陳夢和由甯波書肆覓得殘本見寄亟登數首以見

一斑片羽吉光殊堪貴寶已

苦摹唐句能別開意境始爲合作近讀丹徒戴筑瑤冠瀛餘霜留馬足落葉上人衣峯勢迎人面雲痕落馬頭弓滿影隨月花多香亂衣等句近於襲古而自具機杼又平山堂一絕云山與堂平快遠望隔江一覽總茫茫闌來待試金焦屐第一江山是故鄉殊渾脫

世不我用而猶作一息尙存之想名心不死大抵如是江右黃兆祺有隴西行云胡騎奔騰動地來征夫白骨已成灰閨中經歲音書絕昨夢將軍破敵回志士終身不遇知己得一忌之者亦是幸事黃又詠雉云久住深山愁淡泊偶從濁世覓繁華庖人知己垂青眼攜入鐘鳴鼎食家二詩均有寄託桐城石觀鳴大令鐘吟詩刻苦與余別垂八年己酉春來京以近年詩卷見示較在皖時大有進境亟鈔其遊祖堂山幽棲禪寺云攀蘿附葛自山根小憩空王不二門半嶺白雲隨雪起滿塔紅藥逐風翻客來古剎眠無夢佛似

春雲笑不言爲問南朝多少寺淡煙流水數家村鷄籠峯光秀靈鍾高聳樓
臺積翠重砌短蘭蓀和露長碑殘薛篆被雲封神仙到處梅借鶴風雨來時
松化龍是色是空都莫問青山不改舊時容殊清脆可誦又江聲盤地出山
色向人開鳥自呼名去山偏帶笑看魚燈搖水動螢火逐帆飛橫江涼月墮
分野大星明落葉盡隨秋客掃斷山都帶濁江流飛泉倒峽聲全激野竹干
霄勢不齊春爲泣寒難吐氣花知養豔不爭妍猶有道人丹竈在天邊鍊就
日輪紅蘭蕙花開春已去原來此物不趨時等句皆工又夢惺吾云舊院苔
荒明月墮相逢無語對芙蓉亦自迢妙惺吾姓戴名述經望江人亦工詩能
畫梅有梅花自春無處尋天地荒荒藏古心之句造語頗近昌谷

淮上有丐者逸其姓名每日不多丐丐稍有餘則轉與他丐者人詰其故曰
臣當止忠子當止孝友當止信丐當止恕丐不知止又安往而不丐何事而
不丐乎嗚呼其言如此知丐之道矣諸城有盛煒者亦丐也壬辰歲飢縣令

於隆冬設粥廠飯貧者煒以丐與焉貴公子某過之誤遺金劍煒得之欲返
其人羣丐聚而攘煒急呼遣者還之王方琴華作廉丐行紀其事中有句
云世途紛紛競驚利市人不見金徒看傾身障簾已可鄙褻蹶入眼皆垂涎
茂陵貴人思求富幾年丹火燒丹鉛黃金可成河可塞外施仁義中多貪而
况餓夫困霜雪唾手得此誰甘捐樂羊聽婦乃棄去以義制欲非真廉此丐
何緣清且潔呼還遺寶甘吞甕言雖樸直可以風世今人詩卷中王侯貴人
燦爛滿紙方琴之詩開宗第二篇即敘此丐詩品人品均見一斑

方琴詩境淡遠酷嗜陶韋題畫云修竹誰所廬掃徑遲佳客山中宰相清臨
門樹作戟脫畧免送迎賓主各班白鳴琴一聲動山水澹將夕雲氣障山腰
濛濛化煙水枝柯滅沒中楓葉露紅紫重戴兩老人遵行未邇迤回首語同
行徑滑慎舉趾對山樹亭亭古剎蔭清樾夜靜丈室空獨鄰蛇虎窟梵聲度
林表清磬送殘月幽曠塵垢遠諸天飛玉屑俱清妙有翛然遺世之致

封邱何吟秋家琪所著天根詩草詩多感喟能以蘊藉出之學而兼養胸臆
畢竟不俗寄弟萊陽云少無宦興老名虛吾道千人百不如四海同心惟弱
弟十年生計有殘書新霜白鴈秋深後古驛青山酒醒初客路那堪獨回首
怡園風景近蕭疎感懷云中原兵馬猶征戰骨肉江湖半死生身世到今宜
痛哭文章不貴有時名感恩末路餘奇氣噉飯荒年愧力耕俯仰乾坤惟兩
子謂高麗中鄭蓋卿共余貧賤託交情哭朱越樵云裘馬翩翩少有名白衣一襲送
平生文章無命羅昭諫江海窮途阮步兵舊社竹林尋酒夢空牀松子落基
聲湖山終是杭州好從此歸魂慰旅情又五陵裘馬名公子三月鶯花舊少
年大呼兒輩何堪語當世誰能如此狂兩間能得幾知己一歲況亡三故人
文章得失時人眼家國艱難下士憂四海薦書天地大百年世事古今哀皆
名句也

揚州張施齋養愚口吃而性好詩咏史感時之作千餘首余摘其咏耶律文

一行涼雁橫秋碧芙蓉開作殷紅色此事十年前菱花別一天 瓊樓猶似
昨鎖斷雙魚錦惆悵拂絲桐燭痕梢淚紅

齊天樂

孫月坡贈詞有惜別之意賦此答和卽題其聽鶻詞後

江湖吟鬢星星白前游不勝酸楚露近蛩涼雲遙雁瘦聽否篷窗疏雨淒涼
夜午只喚起愁心幾聲柔勝泥唱雙鬢載儂簫鼓那邊去 垂楊多分惜別
已遮來不見何況煙樹夢被愁分眉綠酒放醒也模糊爾汝離蹤四五歎烽
火鄉關暮年詞賦恰有新詩剪燈人寄與

高陽臺

抱柳鴉枯偎花蝶老三更月影生寒水態溶溶和愁扶上闌干宿醒料沒秋
知覺問清輝可解凝看只鄰家玉笛聲聲不惜吹殘 冶懷要是消除了賸
勾留影怯冷落魂單訴恨離人待儂飛夢關山尺書留待征鴻寄夢無言噤

淚心酸又敲窗黃葉風前做雨多般

十二郎

阿誰喚起仙夢穩碧梧窗下怪的的蘭情聲聲蓮漏低怯鴛鴦碎瓦十二闌
干相思字有血淚啼鴉同灑休暗溢鏡潮嬌鬢簾月草痕偷畫 枝亞青蕪
賸抹紅蕪催架恨往日牽情幾番悄語聞煞東風游冶紈扇輕遮羅衫小立
何處燕鶯臺榭通一笑仍去香篝綺想玉人粧卸

淒涼犯

代徐芍蘭悼亡兼題五月落梅圖

桐欹柳側孤吟起相思憑他淒寂聽烏樹近分鸞人遠一絃么澀情懷暗惜
願留箇酸梅手摘怕紛紛江城撇笛吹遍可憐色 無奈黃昏後酒黯衫青
淚濃窗黑朱樓靜悄轉迴闌雨聲千滴替寫歡悵有無數鴛鴦記得倦開奩
月上夜樓影影隔

南歌子

膽比菱花小眉如柳葉彎曲闌干外萬重山路覺風鞋兜處有些寒 等弱
冰遮扇窗疏月墜丸不知何事轉心酸只揀纖纖梅子揅雲鬢

洞仙歌

答月坡贈別

今宵風雨料征人無寐幾樹芭蕉滴窗碎任江湖載了多少閒鷗難畫出芳
草天涯恨字 艣枝雙趁去過盡黃河尙隔青山二千里莫便訴相思夢已
無憑更把夢生生喚起只一點銀河雁歸來或好附行行說聲迢遞

憶舊遊

題弟郎峰耕釣卷子

是鳴榔歎夕倚杖貪晴百事消除冷落家鄉夢記溪山深處有箇吾廬舊時
數間茅屋今日想荒蕪任歲歲情牽些些景好且讓樵漁 何如買田住繞

丙舍門邊親蒔圃蔬更莫求名了對三峯無恙中隔菰蒲趁著小船撐去收
過一冬租倘憶我征程連天雨雪剛跨驢

轆轤金井

夜半玩月淒清可念

錦衾空展下簾重杳想午夜情緒一段紅闌把纖魂遮住發聲送雨又聽著
夜街更鼓好不分明秋聲葉葉涼宵重做 歡場要儂細數認了了點展曲
廊曾步偏爲嫦娥卻添番淒楚歌成白芷只暗憶髻垂低語六幅窗紗都應
照徧彎彎眉黛

青玉案

孤燈一點銀缸底共誰辨心中味客路斷腸今第幾聽風闌矮閣雲樓悄去
也人千里 琵琶撥了雙鬟醉不比尋常露鴉髻一樹垂楊風細細微波遙
隔小名新補蟲蝕相思字

長亭怨慢

秦淮枯柳和月坡

又風裏楊花吹盡歎息沈埋六朝金粉便做瀟瀟畫船聽雨繫無分暮笛聲
慘還偷伴淒煙緊不待訴飄零早耐了寒鴉如陣 愁損記清秋蕩槳慣惹
翠消香褪江關戍火乍留得少年青髻任想到載酒評花已孤負天涯芳訊
儘夜泊歌闌常共離鴻緘恨

齊天樂

馬江香蛺蝶畫幀

王孫芳草年年綠天涯怨留春綺鴛背偷偎盡心癡抱約略東風初試翩翩
鳳子也散入花間作團飛起薄袂深涼墜釵中寫可憐字 垂楊還做淺暝
想惺忪意緒羅襪雙髻蒜押徐懸葱纖細盡愁說秋娘身世闌干倦倚歎金
粉南朝易成憔悴直得魂銷綠窗殘夢裏

玲瓏四犯

都門十刹海觀荷

喬木參天正曉日城闌車碾塵細一水娟娟不平斷靜香十平里何處細柳
平橋早畫出鷺汀濃翠憐玉容何事憔悴風露昨宵涼最 大隄飛絮卿能
記解纏綿曲翻蓮子歌成不異江南樂教寫凌波字憑仗豔曲訴愁問畢竟
歡愁誰是祇亂鴉如陣凝望眼鐘聲起

疏影

西風起矣問征鴻此去書到曾未算不分明輕暖輕寒又是者般天氣梧桐
瘦損琅玕碧便寫箇相思誰寄想曲闌一半愁凝倚了又還重倚 孤負青
山入畫倦粧無氣力眉影銷翠任爾天涯願作扁舟莫作無情江水芙蓉也
有三生恨怎怪得玉容憔悴賸一秋悵望銀河幾點冷螢斜墜

長亭怨慢

句云祇餘裙帶簾貼畫堂陰蕙客詞不多見僅於其蘿庵游賞小志得遺陂
塘云便年年仙源依舊天涯老盡崔護亂紅都向風前嫁憔悴空枝無主難
遺處者樹上流鶯分付他何處傷情漫訴但嫩綠陰邊兩絲綠繞流水學人
語 還記得鈿繡釵薰盈路枝頭紅萼齊吐傷春只有花同我回首都憐遲
暮嗟我誤悔不勸啼鵲暫爲留春住知花怨否剩千萬垂楊和愁和恨泥我
畫船渡回腸盪氣似項憶雲至云爾時越中士夫無言此事則蕙客之臆說
也道光末余七外祖周昀叔都轉以翰林家居倡益社於越中蕙客亦隸社
籍社中如陳珊士壽祺孫蓮士廷璋王平子星皆詞家也蕙客初名模平
子名章因昀叔先生名星譽於是蕙客更名星謨平子更名星謙與余五外
祖涑人先生星曾外祖季況先生星皆稱五星而蕙客爲昀叔先生詞題簽
至稱受業其後周李交惡蕙客始更名慈銘日記中詆余外祖昆季不遺餘
力沈子培嘗語余蕙客晚年凡日記中於詆周氏昆仲者皆塗去其名號意其有悔心耶至草疏授鄧鐵香糾紛昀叔

先生則可云以怨報德者矣蒨客家居連不得志於有司時叔先生其才翁常熟潘文勤蒨客之名始大白華絳籍集京邸冬夜讀書四首乃并爲播而証之謂其僅爭章句考校碑版器不能伏闕爭夜讀書四首乃并爲播言有體抑非蒨客所宜出諸口

王平子副貢生而奇慧讀書日數行下出應童子試嶺南徐鐵孫兵備方守

越一見歎異首擢之與李蒨客同補博士弟子員有名於時號王李試題爲

今美日盼兮蒨客文有云胡天胡帝之容宜喜宜與之面自命不作第二人想比揭曉則平子第一蒨客第二蒨客大不堪平子亦尙氣摘其試帖中體次舟三字謂孝廉船則吾聞之矣隱士舟則蒨客憂獨道者也蒨客衡之繼母又殫山長恐君試失時遂以君出後其從祖父君不敢違是直揭平子之匿喪也相知忠厚何致遽以惡語相加豈真如魏收云何物小子敢與蒨客作對揚之則沈九淵耶三十不得一第抑鬱以死潘文勤爲刊其西鳧殘草與天抑之則沈九淵耶

陳珊士纂喜堂集孫蓮士亢藝堂集並傳詞云蜜梅花外天將雪剗穢黃昏

人似鑪薰祇得春情一响溫 寒宵偏是無心曙半睡還醒暗淚無痕涼做

繚繞一角冰醜奴兒墜葉打簾衣閃得秋鐘碧寂寂房櫺小膽寒斷雁來時節

薄倦及惺忪錯怨羅衾窄孤負西風度玉門有夢來今夕卜蓬山只在

傷春處不隔天涯但隔梨花雨多分日長無意緒紅樓一角斜陽暮 今日

鞭絲慵再駐簾底分明強道匆匆去擡眼畫橋楊柳樹年時拍扇兜香絮蝶

花平隄廿四暫偷閒存訪菰煙蔣雨秋近水鄉纔幾日涼得晚荷如許露華

疏紅風搖亂碧花氣惜惜午葛衫人影鷺絲來共秋語 休問環佩當年畫

船吹笛寂寞橫塘路一屋冷香團作暝簾幙悄無人住斫藕論錢拗蓮佐饌

狼籍憑誰訴瘦魂飛盡夕陽衰柳知否百字令別來如昨只天涯添得西風人

瘦縷布衣裙難入俗觸地柴荆三斗雞筋文章鴻毛富貴幾輩堪備走干卿

何事醉中淚搵衫袖 留得寸許毛錐笑天甯管汝雞先牛後算有殘杯還

屬我僕射何如飲酒可意紅心無端白眼一味難消受長河北去世情今日

知否大江東去

陳珊士比部有青芙館詞鈔一卷二韭室詩餘一卷增刻纂喜堂詩後集

初官刑部時外祖周先生以書抵余言珊士之在官也日步行入署治獄雖
陰雨烈日無間余愧不能取法而郎潛十載疲驢笨車終不敢與裙屐少年
駕輕乘肥爭如水如龍之勝則以心目中時時有一珊士在也珊士與麓客
皆嘗主叻叔先生家時叻叔先生寓宣武門大街見先生廳堂日記故集中唱和詞最多洞仙歌云
梧桐兩歇把新秋做就紅得斜陽影都瘦喜桃笙涼沁蕉扇寒知恰麻箇試
茗焚香時候 水晶簾捲處初月描來出色鵝黃蘸詩袖簾外碧闌干關角
疏紅剛昨夜曉風吹透更高處何須羨瓊樓便一枕花陰儘堪消受浪淘沙
云新綠殢三分燕子斜曛碧衫消瘦到吟魂幾點楊花飛不定撲碎春痕
香倩玉奴熏商略清尊闌干絲雨溼黃昏自擬鸞簫吹小令好箇閉門青玉
案云二分涼月花陰漏記小院閒時候廿四晶屏花影瘦幽香一縷染來羅
袖秋色黃於酒 月痕依樣移花整空照得青衫舊想見紅樓敗卸後別無
人處蘭燈如豆夢去能尋否高陽臺云軟帳捲煙疏燈暈兩晚來儘又薰薰

獨客天涯可憐閉了今宵明知秋思千儂甚奈秋來著意無聊又何時銀鴨
香溫心字同燒 鈴鴻瘦影和人醒看冷清清地說也魂銷底事西風無端
吹散迴潮年來紅豆拋多少剩黃昏如此迢迢更淒涼玉笛誰家吹出春嬌
邁陂塘云又黃昏兩三點雨零星消得魂盡春愁水樣渾無著紅煞一痕燈
影風不定便不是離人也爲花愁損茜窗人靜料絮影搜香都無是處今夜
怎生聽 殘更亂擾得相思都冷夢兒和燕同醒縱教春例傷心雨也合憐
儂些病聲又緊算人自無聊錯把芭蕉恨倦歛孤枕知幾處紅樓斷腸一樣
試喚曉鶯問南歌子云藥氣熏琴軫茶煙上鬢絲鈴鴻病骨怕秋知難道忍
心瘦到十分時 冷暖和誰語歡愁強自支客中懶和故人詩聊把黃花折
寄兩三枝醉花陰云單衾孤燭今宵又商略銷魂候秋夢水邊生吹過西風
還比楊枝瘦 纖雲盪得輕波皺寒意零星逗柔櫓小紅橋脉脉新涼月共
人消瘦雨中花云驀地相逢無可說悄悄攜手畫闌干折耳葉羞紅眉梢謔翠

春在桃花月 燕子分明還記得怎臨過東風消息水樣輕寒煙般斷夢瘦
了春衫繡蓋與東鷗一鼻孔出氣者也

孫蓮士太守負氣詭譎嘗佐王壯愍幕爲人所持幾陷不測性狂易見俗士
輒噤不言人或以文示之則笑而仰視屋故爲謬語獨與王平子相善言平
子大是聰明中歲入粵東爲諸侯賓客無所合以歸所著亢菴堂集經亂亦
多燬失二郎神云湘簾蕭瑟渾不似年時情事記碟碗滷梨玉簪煨栗笑語
曲屏花底蘭夜懨懨調箏好道難得已涼天氣甚癘月叫寒雁霜衝曉管他
顛顛 容易換來今日淒涼滋味恨襟暈酒微軀痕香歇越是悶沈沈地風
語贏網月沈虬箭獨自胡床料理凝想處也合舊闌干畔有人愁倚卜算子
云又是夕陽邊目斷煙中樹樹外寒山山外雲雲外鴻飛處 回首幾長亭
數了還重數今日星辰昨夜霜切莫明朝雨菩薩蠻云鈿箏擁髻秋燈驛
煙低繚春眉碧衆裏最盈盈十三絃語輕 妾如泥著雨郎似風吹絮飛絮

湖舟心錄

邦工之卷之二



西湖風濤三十里環以翠嵐策勳於游事者唯船爲多秀
水朱竹垞先生作說舟一篇其命名有以形者有以色者
有形色雜者有以姓者至總宜之名洵孟公之標致矣余
暇日繙尋故冊自宋元來及近時耆舊所造又得數十條
連綴於後其出于先生者閒有增注都爲一編傳之士友
閒以爲湖上故事云爾雍正丁未竹生日錢唐厲鶚書於
無盡意齋

明湖一片舊識蘇隄游舫千年仍裝吳榜白公句好還尋
 鏡裏之行羸氏蹤遙莫辨峯頭之纜傍柳邊而泊宅隔花
 外以浮驂鷗狎堪盟魚閒共樂豈比剡中半夜興盡矣而
 還何如海上三山風引之而去僕昔者端憂林臥寓意萍
 游憑襟而夕靄留人鼓柁而春山命笑歌明月短長橋畔
 不辭高價之租唱竹枝大小船中孰問前人之製將使聆
 權謳於玉楮指檣影於青編非聞見之能該恐駢羅之不
 易此吾友樊榭先生湖船錄一卷雖補金風亭長之遺文
 屬坵墟江左風流猶傳藪澤工皆倒載重開天水新談

朱竹垞先生
自號先

實續四水潛夫之舊事者也嗟乎洛陽園囿半

言桐新云宋時西湖御舟形盡重樓更憶家山清事

樓 譬彼鄂君波上檝標青翰之名王子井中板記赤鳥之

字舊游可繼坐我於宜雨晴閒高閣誰同置君於少風波

處雍正庚戌四月望日廣陵馬曰璐

雍正己酉冬與吾友厲兄太鴻俱客揚州示余以所著湖

船錄者蓋本朱太史竹垞先生說舟而添註增廣之凡八

十餘件視太史所說三倍焉多乎哉昔姜白石舉吳都賦

家具畫船語以題目吾鄉春遊之盛葉水心亦言鏡波藍

浪舸經舫緯穿南北而透東西顧清境雖著佳名罕耀茲

錄網羅博存不惟補夢梁錄武林舊事西湖志餘諸書之

闕澄懷臥游如身坐碧琉璃湖光山淥動搖窗櫺而阻風

中酒之感浮家汎宅之思且將藉慰吾二人之同病相憐

者矣越來春庚戌三月重會邗江附書卷後并促實板行

之吳興姚世鈺

新霜下秋林衆葉各成色斑斕互相攙朱紫雜金碧秋山喜晚妝臨睡愈修

飾青女勝天孫雲錦不勞織化工好闢巧不少留餘力三春放百花絢爛已
臻極翻新染秋葉更欲春花敵以此悟文心移形厭陳迹人生重晚節衰弱
劇足惜

摘句圖

斷虹留急雨斜日染殘雲夏遠寺清堪數遙山淡欲無衰草寒蘆三面

水淡煙殘照一窗山陶然亭題壁勉強登仕途出處亦頗苟言志疏泉作滄溟疊田

爲崑崙詠史和左太冲窮骨本天授科第不能醫 人生無百年飢寒焉足悲奇懷羅椒

不死豈能除故態偷生自爲惜奇才題壁山移川改天地變燕趙頃刻成

荆揚水災行學淺不知言語妄位卑自覺死生輕二月二日牛兔棗栗萃一腹

酒醉不飯吾亦足相親而笑真奇事如我輩相竟食肉醉後偶成河聲斷秦晉山

色合幽并送張孝遠前澗冷泉聲澁雲寒山翠乾飛來峰題壁寒濤截四面無路

來紅塵寄燕山人 更治至難惟縣令官遊最好是杭州答錫蘭臺 老近生離如死

別途窮作客勝居家樹因寒早翻留葉菊為開遲尚有花送汝明之鳳臺 架梁作樹

宿臨澗疊石為樓壁借山景即 急溜穴山衝屋底危峰銜樹壓檐端早中 四山

飛雨撼孤寺萬壑迴風翻疾雷萬松寺 山雲吞行人裏人不許出天地

忽不分峯巒盡逃失嶺頭巖 萬嶺參天朝古寺一峯拔地鎮羣山風嵐嶺

洞幽龍作主寺僻虎為隣天泉寺 雲開山脫帽煙起樹添衣山行 桑乾東下二

千里穿破太行山萬重蘆溝橋 一水南流趨渤海萬山東走擁燕京同上 三橋橫

野界流水雙塔夾門分夕陽涿州 金帶非同玉帶竹坡敢望東坡焦山定慧寺

春 劫火尙留新草木春光又到舊湖山三月三日 野曠城逾窄山低塔助

高良鄉旅 一水西流橫大野萬山南走擁孤城沂州 野草綠連臨水樹夕陽

紅過隔河村李家莊 一水亘滄海孤峯分大江焦山 徑轉近山迷谷迴遠峯

露廣化寺 愁豈能消聊飲酒心無可用且攻詩夏日 難憂天下事強樂死前身

有名身後累不死老來憂春日 連峯帶餘雪照影白滿水雪晴 夕照帶

煙連野盡遠山穿樹入樓來摩訶庵 地濕蒼苔久山晴紅樹多靈光寺

塔帶月光明水底鐘隨風力上峯巔秋山寺 石澗風來聲似水花林月上影如

煙醉後 泉聲冷陰壑花氣暖春山廣化寺 月下梨花開花下酒人坐月下 花

葉宜夕陽梨花宜明月上同上 依山寺古惟存塔隔水村遙但見花冷家莊 濕雲

浸樹滴成雨秋氣滿山旋作風嶺中 危徑壓流水奇峯帶亂花下 詩

因和韻心思遊人為登山飯量加南 澗轉方流水村連不斷花南莊 青

棗花隨雨墜半舒蕉葉借風開初 倒控千年樹橫拖萬丈雲秘 險境有

平路奇峯無定形羅 巖懸樹立空坡削路在澗始 天成居山心山

多青天少天成寺 入天開古寺繞地聳羣峯雲 衆山歷歷盡在地一身飄飄

疑上天登 峯腰風急雨橫走巖口樹多雲側行亂電繞林崖欲動疾流穿

石澗如傾天成寺看雨 徂徠東蒙入佳句汶沂濟漯供酬賡中同社 貧豈能安才

本拙名非敢好性原狂成偶 奴因賒酒傲友為索書疏作戲 世原皆醉非惟我月

不常圓況是人偶成 急風欺弱柳殘照愛高峯山開窗放山入 把酒看雲生

亭陶然 澹煙三里水殘雪半村花寺僻僧難俗莊荒酒不賒題慈善寺 好山如美

色飽看不能廢莊冷家 田盤多奇峯居人不敢俗贈要子真 窮極詩翻拙悲多酒不

狂秋懷 青山那解悲前事流水無情憶故人成 秋山添紅樹遊人添白髮 春

山如人少秋山如人老病起遊莊 花落春竟去酒醒人奈何和伯時 休官如退院

瀟灑亦無苦一身尙難安天下讓人措茫茫宇宙中聞是安身處六合兩周

遭舍此何方去寄懷焦山人芥航上人

陳書字伯初號俶玉又號木庵光緒乙亥舉人官直隸博野縣知縣有木

庵先生集

石遺室詩話兄少通達當世務以文章名於時晉閩撫閩使者徐公宗
幹左公宗棠王公凱泰丁公昌岑公毓英皆以為奇才年四十家居
奉母不出喜為詩畫素少作村居陶芸敏給事劉紹庭縣令葉損軒郡丞
林壑之勝前後與徐仲眉副將陳芸敏給事劉紹庭縣令葉損軒郡丞
劉特舟州北頰州蘇州以至作幸關河行役兵火豺虎之交亦未
雷滄州淮北頰州蘇州以至作幸關河行役兵火豺虎之交亦未
嘗旬月不為詩兄詩天才超逸胸中不滯於物故與摩詰老杜論詩宗
近中問為後山放翁誠齋為陸魯望皮襲美而終依歸於老杜論詩宗
旨屢見於集中諸作雅不以空言神韻專事音節者為然批點山谷全
詩詩境益臻嚴益開肆善說杜詩有人熟讀而莫究其作何語者一
經說解聞者豁然生平所作斷自杭州以後者約二
千首余先擇六百首刻之蓋山谷精華錄之意云

節署西軒雜詩

缺月疏桐夜已秋分明是夢在杭州涼風也慮愁人覺紙帳微微一動鉤
牽牛泣露花花綻皂筴臨風葉葉齊紅蓼一枝非水國撩人午夢夕陽西
乍可歸時底不歸眼前光景與心違可憐擁髻沈吟夜曾識能看幾落暉

鼙鼓夢回殘月上吹燈人臥綠陰中幽蟲不識悲秋苦一味淒清唱曉風

曉起思作家書用東坡百步洪韻寄仲叔二弟

津亭東望生風波隕陽西下無停梳幾回思歸歸不得日手短墨窓中磨偶
逐閒遊訪水利六井塞斷亡東坡涼風八月兼夜至一洗花港稀留荷句留
爲此直無益願戀豈復緣梨窩平生出門罕窮獨豪氣畫壁歌黃河此行有
若隨嫁媵詩懺恰應烏投羅三檀樓下鼠窺殯夜見漆色黃成駝嚴官之途
始畏絕縮足退食甘委蛇著書未半忽昏臥仰見梁燕先辭窠起來繞屋喚
傭僕立意作達徵亡何蒼苔泠泠秋雨下不飲恐被少陵呵

登吳山晚宿卓氏園

江山南渡古愁多落木園亭奈晚何萬戶昏煙沈夕嶂半天涼露耿星河笛
聲淒切花間語客思蒼茫醉後歌一憶春前一惆悵安仁衰髮怨蹉跎

寄芸敏京師

北雁不來秋雨稀湖雲銜日遊人歸軒窓臥愁詩又瘦稻梁晚熟養難肥去
年花黃蝴蝶飛登堂別君觴交揮討書製序石林至丰彩映壁如雲暈我今
不樂辭庭闈君復流連滯帝畿僧房獨榻亦何有垂橐勿怨緇沾衣春來襟
被還稍依西山日落煙霏霏驂鸞夜靜呼靈妃詩成且復忘朝飢人生何處
更稱意看取滄桑日夜非

過城南始聞雁

落照沈沈白雁哀城南地僻長蒿萊壞牆古樹誰家館無數煙痕隔水來

葉臨恭見過既去擬作論詩僅得六首

萬派同流學海濶豈知古調是重彈更相爲笑都無當止作貧兒暴富看
八代文章枉起衰馬班爛調豎儒知由來耳目爭新樣不廢江河果是誰
焚書豈識更求書萬古洪流到石渠黔首不曾愚一箇翻教人世重鈔胥
博奕能消飽食身一般無益散精神翰林土地倡家柳各有千秋抹淚人

當時雅頌萃承平捷徑終南結伴行今日妝成屬天寶不應情性太憨生
新城長水名家子要好貪多亦自佳若使編詩容諫諍盡刪蜀道削風懷

病起詣補園歸二鼓矣不寐與臨恭

陶江集

傲玉先生無一錢近愧招隱書連篇感君意氣薄雲天一硯改作陶江田榜
岩左側三間屋花樹頗足供流連鄉人愛客屢饋遺比似與塊誰欺賢我生
磨蝸隨處有二豎纏苦三旬眠起來看物若隔世老母重見兒生年一家歡
喜恣溺愛飽啖不絕廚中煙猪肝豈但累吾友牛喘時復勞懸懸山人不死
定非福雖磨猶欠千盤旋信知作達亦無益子之所慎吾當鑄中秋已過重
陽去敢道明月今宵圓

十七夜三鼓猶不寐再疊前韻

君詩萬選如青錢一日願受詩一篇羸師往往故挑戰奪牛豈必由蹊田白
楊招隱近何妥滄海求師得成連綠榕城郭攜家走富時頗覺惟汝賢材美

奚但樹百種格老有若鷺三眠寫經解經復有此三絕直可娛歲年秋早清
晨登隴首晚晴墟里上孤煙山莊半作書畫舫玉屏山色中流懸爰居避風
偶然至豈識鐘鼓終廻旋我詩遠遜君詩好肝腎幸不窮鏤鐫與君共衍陶
江派瓊源玉水隨方圓

光緒甲申年賃屋陶江山上開戶通道人多笑之自秋徂冬未有改
也

谷風茅屋兩間餘山海昏昏讀我書信知作計誰憑準看過桃花再卜居

臨菴隔溪相送從新橋歸

手中朱老一枝花臨恭歸對溪光似若耶昨日兒童看我過隔林指道伯初
家

夜坐

強半春光去草堂撩人猶有橘花香風簾燈火觀書夜十萬蛙聲作雨涼

乙酉重九日

細草黃牛努力輕秋原晚稻拂雲平過橋潮小上弦月落帽風微重九晴三
面窓虛忘久坐一枝花好憶長生閒居課業依然懶不及柴桑更愛名

月下

杪秋天氣似初春月色蟲聲儘可人遠火依山微出沒薄陰貼地甚調勻去
年陶水方求友此際烏峯又置身獨倚闌干三歎息居然老矣是何因

十九夜

城中都睡盡而我獨憑欄月淡如人寡松香覺歲寒試愁渾不似是夢恁將
殘逝者二三子西山誠考槃

十月五日下午山載花晚歸

籬邊不作瓶中供還向人間買菊花載上肩輿趁斜日似邀俗客到山家

西樓夜坐

忽復思紆鬱中夜不成寐窓軒射微月 聯袂東渡海尋師三神山青年盛
意氣哀時涕汎瀾夜盡薪可臥朝飢膽可殮周旋豪傑間新術窮研鑽德以
果行育才因毅力全匣中有長劍醉後時時看西潮自東漸中土無寸乾願
爲畢士馬奇勳照人寰 周禮有巡察義主詰奸暴而人重茲事兼以攬政
要消極與助長曲折無不到煌煌大都中形品尙差肖手揮指揮刀額低遮
陽帽晝夜如輪值庶幾鮮攻剽外間等兒戲亟宜廣學校毋使碧門容覬國
徒貽笑 龍蛇競起陸爭我路礦權東南屢見告處處垂腥涎嗟我神明胄
迅雷仍晏眠譬如人一身百體須健全路爲筋之用礦爲血之淵筋血苟不
充比身何有焉願破鏗各囊稱家輸金錢事成國步安利居可盤桓甯不見
蘆漢登車如行天甯不聞開平出產如流泉 海西犁韃國古有金銀錢邇
日品彙多通商傾闔幕文雜人面番字曲周環易我純金銀鑄幣攬銅鉛
近擬塞漏卮省省鞴爐然大部議劃一南北開寶泉胡爲久寂寞利仍英日

專需者事之賊何如從所便 五洲盡商戰中土思考工工者商之母此議
吾所崇棟宇何堂皇梓近隨處充南庭事織作北院爭磨礪奪民以爲利豈
必利交通外貨百未敵終見英華窮吾聞異國法美術傾王公懸以不貲賞
寵以不次封子孫還食利名物仍紀功斯言如實行智巧應從風 治外有
法權踐土皆吾民議款析木津訂約彼何人峨峨歐若堂祿教沿大秦木朽
易生蛀網漏多縱鱗患氣一朝至妖氛爲委塵事過償金錢陋室需千緡官
家捕首惡往往連六姻哀哉我愚民何用辨斷斷努力師厥長崛起如東鄰
國權苟得伸何族不能馴 咄咄彼俠徒慷慨拚一死奸回甯可盡此身長
已矣壯士自有規居常如處子一朝龍虎戰萬里鯤鯨徒寶刀三尺長指揮
隨馬箠槍雲彈雨中所到皆披靡致命在須臾直摩敵人壘成則銘殊功敗
亦光青史茫茫五大洲英聲貫人耳 吾聞普勝法學校興也勃五尺知國
恥赴義甚饑渴吾聞日勝俄講席苦陳述勗以九世警危語悚心首楚莊每

申傲夫差毋忘越淬勵英雄姿鎔鑄鐵血質國防若長城民氣如朝日黃海
沙塵飛百萬皆精卒救飢甯百拜救火甯罄折彼哉王荊公商君嗤六蠹
茅茹慶普澤隨牒皆之官官多如鱗魚職事何所安徒步滿衢巷羞言范叔
寒朝參大府衙暮謁要津路面目誠有覲出座潛酸辛神交二三友時復相
盤桓盤桓且復去對書亦懶看窮宦無妻拏燈下同枯禪 榮如茵上花枯
如池中草榮枯會有時惜此煢煢抱軒車門首過光輝生滿道肥馬金鞍光
俊僕顏色好入門還一笑上游矜品藻粉黛充下陳夜眠春不曉富貴甯足
羨年華逝將老柳下困卑官致身苦未早何用五千卷拙固不如巧 失勢
良足賤得時乃爲賢憶昨宰上庸兩載承羸官政教雖未善風清在山泉一
言不稱意遂墮百丈淵平昔好讀書閱議該八埏誰知命運舛負此腹便便
需次多賢豪而我豈其間懶作閒居賦高吟梁父篇朝市有隱淪聊以養浩
然

王笠舫遊山及牛將軍廟諸作 憲山大令志 隱堂摘句

會稽王笠舫大令 衍梅 為孝廉時游粵東及舉進士授粵西武宣令改廣文詩文瑰麗博麗嘗以十五鹹全韻詠江瑤柱一時推為絕唱有綠雪堂詩草其友汪孟棠觀察為之梓行游山歌云有脚不踏青山巔山笑此人惟醉眠有口不吸青天月月光照人俗到骨我持一杯飛上山青山流連醉勿還仰頭白月跌入口酒氣縱橫吐星斗醉復飲飲復醒酒香拂拂醺山靈青天無雲更清扣絕酒作詩寫之石欲讀自認已無迹但餘酒香兩三滴後之遊者怪且顛咄哉此山生酒泉牛將軍墓云冤哉一杯酒醜殺此將軍少保難為慟高皇竟不聞議和甘養敵行毒當酬動萬古風雲氣來朝主帥墳留別云木葉落湘渚烟波何太深浮雲平野合去雁遠天沈對此一樽酒蒼然萬里心他年逢令節相憶定長吟七律摘句澤國春陰佳日少名場清福冷官多與月樂天花樂地將詩驚鬼酒驚人漸諳世態宜青眼纔動名心已白頭又

題華清出浴圖七古句云金珠照耀萬花谷天下不肥妃子肥可稱警闢

窓山大令 文偉 笠舫先生之子也有志隱堂詩鈔僅見其斷句云青絡緯啼

瓜蔓露紅蜻蜓颭藕花風偶拋殘粒魚成隊別築香巢燕有鄰絕似宋元人

名句其嗣君小山二尹有句云風來花片忙於蝶雨過灘聲勁似風亦不愧

家風 以上二節均採 金粟香隨筆

陳石遺詩集自序 與沈子培酬唱詩

侯官陳石遺參事 衍 作詩三十年功力至深而自選其詩僅存三卷始於丁丑迄於庚子自序云第一卷凡八年多閒居及遊覽之作第二卷凡十有三年多行旅之作有歌勞之思焉第三卷凡八年有悲傷之作詩與人亦俱老矣此後或三四年或五六年或七八年以至長辭人世更當得一卷之詩為第四卷其詩境未知何如然得自放於山巔水涯間則幼時之流連景光覽玩物華意中欲言而未能言者將如獲故物如履舊遊焉不亦既全其天矣

乎以上均自序語此序余於近歲客居津門濫竽學界時往京師訪故人

王書衡大理式通石遺所居上斜街與書衡望衡對宇二人雖宦京師而宦

情甚澹有大隱之風余由大理介紹與石遺亦時相過徒譚藝甚歡且助余

搜輯近人詩頗恨相見之晚惟論詩少所許可觀其自選之嚴可知矣

沈子培方伯會植於詩學致力深遠持論亦至嚴峻故與石遺沆瀣一氣石

遺集中多與方伯唱酬之作茲錄數首於後可見兩家之詩格與交誼矣

調子培並答惠詩 夫子平生博愛懷譽人過實亦怪哉不留長短三千首

教主依然廣大來 淡遠深微有本真鏤金錯采費精神西江未必涪翁拜

何況桐城一派人

再答子培 藥裏書籤拉雜携草堂猶似蜀都西未遭田父緣多病屢簡吳

郎益近題坐黑晚窓思寫遠吟黃秋葉紙淒迷因君老屋橫街語預想京塵

憶印泥

尊高軒能幾過相對夜溫存

小閣孤燈迥憂懷世事侵亂蛙添夜雨啼鳥換春心極北長星耿江甯秋水

深吾廬容抱膝大澤有哀吟

辛丑九月將去海門

冥鴻萬里想雲羅苦竹黃蘆夢雨多明月西園添客思春潮南浦漾微波花

前心事憐鸚鵡天外車書問駱駝回首九年行樂地一窗辜負對青螺

葉玉森 續虹

溫則宮詞

溫則宮者英前女皇維多利亞之寢宮女皇夫死乃鑄其象於宮中

築墓於宮側終身衣黑以誌哀悼亦西史之豔蹟也為賦此詞

華鬢紫鳳鳴鏘鏘瀛洲淚史哀娥皇摩挲銅狄落秋雨溫則宮中春恨長恨

長恨短春潮咽鴿嬌鶯麗承歡日不似夷光孕苧村本來弄玉生椒室烏號

弓慘鼎湖龍無那雌風瞥化雄高捲珠簾人似玉天孫星煥紫微宮九環金履輝龍動加冕儀成寰宇頌聖油漿灑雪花裳神御鑿飛金甲鞞龍動即倫教九環履

聖油皆女皇加冕時禮制金甲神御女皇筆式

上壽瑤宮二十齡翩翩翠雀舞雲屏冰膚春皎如姑射銀漢秋涼渡婿星薩哥侯嗣瓊枝麗紅絲一縷新蘿施笙簫迎入女英家

夜合花開歌吉利行宮從此關情天錦壁牙船象萬千白石玲瓏環素女瓊樓宛轉集金仙宸遊時奏雙飛曲笑顧葡萄紅百斛水晶樓閣夜光多金粉

江山春睡足彈指雲烟廿二年銀婚明月不曾圓西俗以結婚滿廿五年為銀婚那堪冠上

黃楊葉化作碑前白柰圈懊懷聲裏嬌鸞哭杜鵑三鳥哀音續鬢絲揉枕綠

雲蓬淚帕兜珠銀海浴銷夏分明憶那廂鮫綃鶴手立風廊玉杯分飲香襟

水翠盞同斟雪藕漿鰈鵝朝復暮仙山縹渺歸何處遺影空留玉鏡塵

芳心苦挹紅菴露只是難銷永別魂強模石象寢宮門金人彷彿阿房製鐵

佛依稀印土尊相思豆子迦陵鳥從此娥皇歡樂少舞衫罷演拍梯歌

拍梯英京

名女伶

梵偈時為基督禱宮中盛事越尋常玉葉金枝繞御牀椒寢佳兒青雀

子簫樓快壻谷蠡王眼底心頭無一可白紗永永纏螭首立衣竟夕裏癡愁

金盒終年拋素肘精衛難填恨海波媯皇爭奈漏天何秋墳寂寂甯馨鬼春

夢沈沈未醒婆殯宮紅葉鄰溫則圓屋琉璃櫛文石粉壁還摹十字圖佳城

早卜雙棲宅海紅花落草初齊寒食英倫上塚時銀椀勃蘭鸚母泣蒿燈燐

火鳳雛啼娥皇自是多情種英武尤為友邦重歐風墨雨一薦支六十二年

辰極拱一朝憔悴碧犀牀海上曾無續命方湘竹啼殘尋帝子巫雲飛去戀

襄王哀聲流入滄溟外嗚咽魚龍齊奏薤穹碑記念蟹行文寢殿招魂螺誦

咽慘離宮夕照斜鴛鴦雙笑鬼鑿車春風春月年年好爭唱維多利亞花

何震彝 暢威

少年

少年心力垂垂耗欲懺浮名卻未能繕性豈須通上理純情難免墮中乘

才優蹇閑時省醉態瞢騰醒後增終是爐灰消不盡偶存餘熱傲春冰

歲暮

歲暮沈思天下事一生消得幾悲歡
函胡閱世花千樣刻苦磨人墨半丸
那肯心長隨意短可堪夢窄較春寬
繁霜未損江梅艷添得風懷別種寒

君遂贈陳子言新刊尊瓠集詩因寫卷尾

故人隔海經年別銷沮煙霞太古情
脫手一編傳浩唱稱心七字弋高名
徐疑早許通真誥宋玉還堪喚老兵
解得唐賢三昧肯瀟天才氣歛縱橫

邱逢甲

仙根

次哭將別嶺南卽席韻

仙不在菖蒲澗佛不在風幡堂
勞君打包出東林騎鶴離武昌
與君携手南極旁坐看東海惡潮撼
樂浪西嶠戰雲連點蒼地下鬪麒麟
天上斂鳳凰有矢不得射天狼
有弓不得掛扶桑三十六軍盡女子
軍中之氣安得揚乘軒

三百人濟濟何踰踰髮頭揭取六一泥
放出北斗斟天漿上天誰御蛟龍車
渡海誰駕鼉鼉梁烈烈蚩尤魂持頭欲
咋古帝軒轅黃千秋萬歲心徒傷橫
來小者侯而大者王乃今置之祝融汪
古且不涼今月涼不生不死百草何
用神農嘗長劍玉珥鳴琳琅北收黃河
南收江乾坤納之一鉢藏筮亦不能
短龜亦不能長赤手捧出日月雙九頭
之紀重紀天地人三皇北不盡函營
南不盡荊揚呼取天孫爲織裳牽牛爲
服箱胡爲反與下界蟻虱徬徨重徬
徨古來顏回爲素臣仲尼爲素王華袞
斧鉞筆削終日忙有天僅倚柱壓頭
頭不昂丈夫動輒計萬世畢竟幾人遺
臭與流芳麟乎麟乎逢魯圍鳳兮鳳兮
趨楚狂僬僬人民不自小乃與龍伯大
人之國相頡頏呼天留三光呼地留五
常世間狐貉噉人已將盡慎勿更遣虎
豹來九閭與君今日相逢竟何日非森
非李落日吟河梁三萬六千椰酒觴飽
有荔支飢檳榔三生一穗沈水香死不
用青蠅弔仲翔生不用金雞下夜郎羅
浮仙蝴蝶作繭爲衣裳香

溪之水春可航，朱明洞天逕未荒。送君此去吾亦隱，四百三十二君待我開。
草堂麻姑玉女梅花美人盡，列侍人間無此溫柔鄉。噫嘻乎嗟哉白雲鄉，是
溫柔鄉。

盛景璿 季瑩

和石公題照霞樓壁韻

小住何妨屋似舟，晚風吹送隔江謳。柳枝無力初搖樹，藤蔓新移漸翳樓。
雲海道遙君是鶴，烟波浩蕩我同鷗。歲華獨臥傷遲暮，閒看風騷已倦遊。
乍雨乍晴朝復朝，坐忘風露已中宵。西江笠屐羅浮杖，南岸笙歌珠海簫。
紅荔灣頭新漲水，素馨斜畔晚來潮。不妨長作天南客，十日平原意未銷。

陳壽彭 釋如

曠言

驅車北邙過塚墳，何陳陳人事一消歇。白骨委風塵，夜臺不復且長與鬼爲

卽(雜應介)

(前腔)丑道服上皇天要把殺機開，生了區區應運來。仿佛臥龍才製一頂
綸巾兒戴。

(入見對進介丑)大王呼喚有甚軍情(淨)俺久想興山下兵，只因恒王駐在青州
阻我去路，軍卽有何高見，除却此人(丑)當今嘉靖皇帝任用匪人，恒王獨立難支，
甚不中用。青州一班紳士與在下多是故交，待我修書一封託他們作個裏應外合。
(淨)他們都是受過國恩的，怎肯與我們出力(丑)於今世界非錢不行，只要捨得
銀錢，就叫他子弑父，弟弑兄，都是肯的呀。

(中呂)

(過曲) (默環著)據花花大寨，廣有錢財彩緞多。攜金銀多帶，書中把我利
害說與他們聽。則把筆尖揮灑，名士濟南多爭看。一個個黃金暗買管教他，
納頭便拜那怕他。藩王有備神機運妙算排，到後來破了城池把這些狗男女
打的打殺的殺，除將所得的銀錢全數獻出，並要他祖宗掙來的家私獻來買命呀。少

不得碎骨輕敲腦箍輕戴

(淨) 妙哉此計必能成功只是嘍囉們全無紀律尙須軍師教訓一番(丑) 領命
(立高處介)(淨) 旁立衆走陣介)

(前腔)(丑) 向青州地界一湧前來製了旌旗備了器械作氣要推山倒海
先布虛聲把一夥怕死的官兒赫壞一路上也說不得甚麼秋毫無犯了裏脅
些少年無賴搶掠些人家嬌艾(合) 心腸狠殺運開剝盡良民視如草芥
(尾聲)(淨) 草頭皇帝原無礙(丑) 儘著咱暗地安排(合) 不曾見一個官
兵來理會

第三齣 哭師

(雙) (北新水令) 儀仗引生上莽蛟涎一綫噴江潮算將來紅羊刦到大旂殘
照裏戰鼓濁煙消寶劍橫腰情誰人畫出凌煙臺

(集句) 威雄八陣役風雷落日愁登大將臺家散萬金酬死士安危須仗出羣才本

藩深宮教戰正爾歡娛不圖禍起蕭牆秀民作患庫無一月之餉城無一旅之兵平
時武備不修今日悔之無及昨紳士們進了招撫之計就有兩個毛賊自願投誠亦
不過暫保目前並非長策爲此召集他們一同商酌長史何在(雜) 有(生) 卽召紳
士進見者(雜) 扮紳士四人入見旁坐介(生) 小王謬列藩封猝逢賊警難戰難守無
餉無兵昨據爾等所言此賊雖有投誠之意但未經敗挫卽肯歸降爾等可保其不
復反麼

(仙呂入) (南步步嬌)(雜) 不須勁旅勤搜討臣去說明利害口舌輕輕掉兵戈
禍便消但請殿下親去受降回紇見汾陽馬前拜倒那時呵凱唱奏金鏡臣等
便抽毫把露布從容草

(北折桂令)(生) 便就是撫了三苗怕厝火添薪禍根未消且夕偷安這城
狐尙叫社鼠猶跳(雜) 他們決志投誠斷不再反臣等願以全家相保王請勿疑(生)
靖烽煙但憑談笑又何妨歃血荒郊準備了大隊旌旄準備了小隊弓刀

(衆) 殿下見了寇魁須以好言撫之(生) 如果是傾心泥首自有個好開交 小
王明日出城招撫爾等須小心防護者(衆應介掩門)(先生下衆作態齊下)

(江南兒水) 日宮妝上鐵馬紛紛鬧金戈處處囂女兒家越俎憂廊廟這青州
呵一座空城誰與保我大王呵一柱擎天誰人靠我空抱愁懷徹昏曉恨不把
賊貪狼一星摘了

妾乃施燧將軍林四娘也幸侍賢王倏逢亂世近有跳梁小醜直逼青州富兵餉不
足之時作苟且圖全之計這些紳士其心叵測所言未必可從大王升帳商量尙未
回宮好令人焦灼也(內侍引生上)到此躊躇不能去諸君何以答昇平(相見介
旦)商議軍情可有頭緒否(生)紳士們紛紛議論說寇賊已經投誠籲請孤家出
城招撫(旦)哎呀寇賊甫經起事如何就肯投誠大王輕入賊巢恐中詭計紳士的
話怎麼聽得呀(生)也顧不得許多了

(北雁兒落帶得勝令)不隄防豺狼徧地嗥怕的是鴉鵲同巢爾明知他機牽
陷阱牢拚把這頭向刀山掉不料本朝的事一壞如此奈深宮聲色惑當朝望
孝陵風雨哭先朝這些紳士之言明知無兵無餉除了此計別無良策可施這不是
要君而行麼劣紳衿生成泮水鴉熱夫妻打散同林鳥倘若平安而返功高唱
刀環同笑倒 若是逆賊心懷不軌孤必不能生還矣名高撥餘燼有魂招

(旦)妾聽得這些紳士呵
(南饒饒令)活現奸邪貌生非患難交赫赫科名皆混鬧把廉恥與良心都
昧了

依妾愚見大王以不去爲是不然以萬金之體入不測之鄉倘有疏虞悔之何及(生)
孤去相機行事料也無妨就此出宮去者

(北收江南)咳玉鞍金鐙待親敲把身家性命渺鴻毛(旦)妾妃拜送殿下(拜
介同泣介生)亂時小別免不得淚溼紅綃(行介)向虎穴走遭心又早壯了
我龍章日角福力仗天朝(內侍同下)

(南園林好)(且)則望那潑荏苒氣吞不驕大王呵俊竹帛大名自標這寇賊
久蓄逆謀都是養癰貽患所致滿眼是豺狼當道愛錢的文官是小兒曹怕死的
武將是小兒曹

(泣介下淨引衆上)如鬼復如蟻擒賊要擒王俺寇魁是也前用苟軍師之計花些
銀錢買活青州紳士裏應外合將恒王賺出城來埋伏中途殺他個措手不及這這
望見恒王來也大小噙囉埋伏者(衆應介暫下)

(北沽美酒帶太平令)侍從引生戎服上度惡木轉山均行一步一僕僂紳士
們隨侍前來一出城時連影兒都不見了此番恐中了詭計也欺負俺失運王孫擁
節旄恰便似海鯨上釣恰便似引虎離巢這些狗男女想是勾通反賊的呀買人
心銅山可靠嬰法網鐵面難饒孤乃帝胄天潢受恩深重倘事有不測也只得致
命遂志來餘一劍致身須早料在天的祖宗含笑寇魁呀寇魁任你雪刃霜
刀這鬼門關拚來投到

王氏宗係云王氏之先蓋高麗大族當高氏政衰國人以王建賢共立爲君
長時後唐長興三年也請命于明宗封高麗國王石晉開運二年建卒子武
立乾佑末武卒子昭立自昭而下凡十一傳至于堯堯之襲封歲月雖不可
考然以其父運立于趙宋神宗元豐六年運立四年卒堯子立即是堯立于
哲宗元祐二年也今銀字經卻云大晉開運三年丙午高麗王王堯發心敬
造以予考之堯卽建之十三代孫也既建卒于開運二年豈有堯造經于開
運三年之理耶斷無是理也况堯父名運雖高麗用中原正朔在本國亦當
迴避此必妄耳昭之所書經云以本國光德四年歲在壬子秋敬寫此經據
圖所載昭之父武卒于乾祐末按五代史劉知遠卽位之明年改元乾祐終
於三年而已既云武卒于乾祐末是必乾祐三年可無疑也計昭之嗣位當
契丹嗣聖滅石晉之後終劉漢之後昭未嘗朝貢至郭周廣順二年昭方遣
廣評侍郎徐逢來今經之跋文云以我國光德四年既當時高麗未臣中國

宜止用本國年號也然光德年號當更考於他書則真履可立判矣丙辰寶
嚴僧上首溥公出示墨竹四幅且求頌焉余以紛紜簿領中草草作此云橫
枝出叢林獨得迴光照慎勿作長竿寒魚不受釣右弄晴法雨漬雲梢點點
甘露滴舌本自清涼西江不須吸右洗雨風過卽安閑風來卽招點青青自
真如塵色終不染右披風尊者老不枯魁然挺高節求心已無心斷臂猶立
雪右古節丁巳晨發懿州是日大風飛塵暗天咫尺莫辨驛吏失途至東北
山下橫流洶湧深不可濟乃問路於耕者郤立謂余曰我非力田無以爲生
官人顧不得安閑耶乃熟視一笑而去予媿其言作詩以自責云逆風吹面
連朝暮蓬勃飛塵漲烟霧前騶杳不辨西東駐馬臨流不能渡却尋山崦問
津焉山下野老方耕田舉鞭絕叫呼不得俯首偃僂驅烏犍可憐野老頭如
葆龜手扶犁赤雙脚爲言生理固須勤盍避今朝風色惡已而野老笑迴頭
我自家貧仰有秋官人富貴年如此胡不收身覓少休我初無意聊相謔不